

Morning Dogri (NSD) National News Bulletin 20-04-2024

आकाशवाणी

खबरां विकास शर्मा कोला।

- लोकसभा चुनाएं दे पैहले मरहले लेई 62 इशारिया 3–7 फीसद दा मतदान होआ।
- लोकसभा चुनाएं दे त्रिए चरण दे मतदान लेई नामांकन–पत्र दाखल करने दी प्रक्रिया मुकम्मल। चौथे मरहले लेई नामांकन प्रक्रिया वीरवारें शुरू होग।
- अमरीका नै पाकिस्तान गी बैलिसटिक मिसाइल तकनीक देने लेई चीन ते बेलारूस दी कम्पिनएं पर प्रतिबंध लाये।
- मौसम विभाग नै उड़ीसा ते गंगा दे कंडे आले पच्छम बंगाल दे किश हिस्से च 22 अप्रैल तग्गर भारी लू चलने दी पेशनगोई कीत्ती।
- आई.पी.एल क्रिकेट मैच च लखनऊसुपर जायंटस नै चेन्नेई सुपरकिंग्स गी 8 विकटें कन्नै हराया।



1st Phase

18मीं लोकसभा दे चुनां दे पैहले गेड़ च 102 सीटें पर कल मतदाताएं पूरे जोश कन्नै वोट पाए। उनें खेत्तरें च 62.37 फीसदी मतदान होआ ऐ। मतदान कुल मलाइयै रमानदारी कन्नै संपन्न होआ ते गर्मी दे बावजूद बी मतदाताएं वोट पाने दी अपनी जिम्मेदारी पूरे गर्व कन्नै नभाई। इनें 102 लोकसभा सीटें चा 11 सीटां पट्टीदर्ज जनजाति दे मेदवारें लेई आरक्षित हियां। एह सीटां 17 राज्यें ते 4 केन्द्र शासत प्रदेशें च फैली दियां न। इनें राज्यें च उत्तर प्रदेश, पच्छम बंगाल, बिहार, असम, मध्यप्रदेश, महाराष्ट्र, राजस्थान, तमिलनाडू, उत्तराखंड, अरुणाचल प्रदेश, मणिपुर ते मेघालय शामिल न। लक्षद्वीप च सब्बनें शा मता 83.88 फीसदी मतदान होआ। त्रिपुरा दी इक सीट पर 81.62 फीसद लोकें वोट पाए। पच्छम बंगाल दिएं 3 लोकसभा सीटें च 80.55 फीसद मतदान होआ। जिसलै के सिक्किम दी इक लोकसभा सीट पर 80.03 फीसदी लोकें वोट पाए। जम्मू कश्मीर दी उधमपुर–डोडा सीट लेई कल 68.27 फीसदी मतदान होआ।

पैहले गेड़ च कुल 1 ज्हार 625 मेदवारें अपनी किस्मत आजमाई ऐ। भारती जनता पार्टी दे वरिष्ठ नेताएं ते मंत्रिण नितिन गडकरी, सरबानंद सोनोवाल, किरेण रिजिजू, डॉ. जितेन्द्र सिंह, संजीव बालयान ते बीजेपी दे नेता तमिलसाई सौंदराजन ते जतिन प्रसाद ते कांग्रेस दे नेता गौरव गोगाई, कीर्ति चिंदबरम ते नकुल नाथ ते डीएमके दे दयानिधि मारन प्रमुख मेदवारें च शामिल न, जिंदा राजनीतिक भविक्ख कल ईवीएम च बंद होई गेआ। निर्वाचन आयोग नै मतदाताएं ते चुनां कन्नै सरबंधत सब्बनें मतदान कर्मिणं दा धन्नबाद कीता ऐ। छत्तीसगढ़ दे बस्तर दे 56 ग्राएं ते निकोबार टापु दी शोमपेन जनजाति नै पैहली बारी मतदान कीता ऐ। एह्दे अलावा पैहली बारी मतदाता बने दे नोजवाने बंदर बी बड़ा मता जोश दिक्खने गी लब्भा।



J&K Polling

जम्मू कश्मीर दे 5 जिले—डोडा, कठुआ, किश्तवाड़, रामबन ते उधमपुर च खराब मौसम दे बावजूद कल लोकें पूरे जोश कन्नै लोकसभा चुनां दे पैहले गेड़ तैहत मतदान कीता। प्रदेश दी उधमपुर—डोडा—कठुआ लोकसभा सीट लेई कुल 68.27 फीसद मतदान रिकार्ड कीता गेआ। प्रदेश दे इनें 5 जिले च 16 लक्ख 23 ज्हार मतदाताएं लेई 2 ज्हार 637 मतदान केन् बनाए गेदे हे। 11 ज्हार थमां मते मतदान कर्मिणं गी एह्दे लेई ड्यूटी पर लाया गेदा हा।



3rd Phase

लोकसभा चुनां दे त्रिये गेड़ लेई नामजदगी आले कागज—पत्रेदी जांच अज्ज कीती जाग। इस गेड़ लेई मतदान 7 मई गी होना तैह ऐ। लोकसभा चुनां दे त्रिये गेड़ लेई नामजदगी आली प्रक्रिया जंदी रातीं मुक्की गई। 7 मई गी होने आले त्रिये गेड़ दे मतदान च अनंतनाग—राजौरी संसदीय हल्का बी शामिल ऐ। 10 राज्ये ते दऊं केन्द्री शासत प्रदेशों दी 96 लोकसभा सीटें पर मतदान होने न। मेदवारें आस्सेआ चुनां मैदान थमां अपना नां सोमवारें तगर वापस लैता जाई सकदा ऐ। लोकसभा चुनां दे चौथे गेड़ लेई नामजदगी आले कागज—पत्र दाखल करोआने दी प्रक्रिया वीरवारें शुरू होग।

9 राज्यें ते इक केन्द्र शासत प्रदेश च फैलियै दी 96 लोकसभा सीटें लेई इस गेड़ तैहत चुनां 13 मई गी होना ऐ। एह्दे कन्नै गै आंध्रप्रदेश च 1 सौ 75 सीटें लेई इक गेड़ दे विधानसभा चुनां लेई अधिसूचना जारी कीती गेदी ऐ।



G-7 Meetings

जी-7 मुख्हे दे विदेश मंत्रिणं इजराइल पर ड्रोन ते मिसाइल हमले लेई ईरान गी नमीं बंदशें लेई खबरदार कीता ऐ। उनें दौनें पक्खें गी संघर्ष थमां बचने दी गुजारिश कीती ऐ। इटली दे विदेश मंत्री एंटोनियो ताजानी होरें इटली दे कैपरी च औद्योगिक मुख्हे दे मंत्रिणं दी बैठक दी अध्यक्षता करदे होई आक्खेआ जे ताजातरीन घटनाक्रमें गी संबोधत करने लेई त्रै रोजा बैठक दा एजेंडा बदली दित्ता गेआ ऐ। एह्दे थमां पैहले कल इजराइल नै ईरान खलाफ अपने पर होए दे हमले दी जवाबी परता दित्ता हा। हालांके दौनें मुख्हे दी मीडिया इस घटना दी संजीदगी गी घट्ट करियै दिक्खा'रदी ऐ। मीडिया रिपोर्टें मूजब ईरान नै ड्रोन गी दिक्खने मगरा अपने एयर डिफेंस सरिस्तें गी तैआरी पर रखी लैता ऐ। अमरीका नै जी-7 समूह गी आक्खेआ ऐ जे उसी इजराइल थमां ईरान च ड्रोन हमले बारे खीरी समें च जानकारी थहोई, पर हुंदे इस हमले च शामिल नेई होए।



America-Pakistan

अमरीका नै पाकिस्तान गी अलेस्टिक मिसाइल घटक उपलब्ध कराने लेई ची नदी त्रै कंपनिणं ते बेलारूस दी इक कंपनी पर प्रतिबंध लाई दित्ता ऐ। ची नदी इनें कंपनिणं दे नां न जियान लोज टैक्नालोजी डेवलमेंट, तियान्जिन क्रिएटिव सोर्स इंटरनैशनल ट्रेड ते ग्राम्पैक कंपनी लिमिटेड बेलारूस दी कंपनी दा नां ऐ—मिस्क बहील ट्रैक्टर प्लांट। इनें कंपनिणं पाकिस्तान गी इसदी लम्मी दूरी दे मिसाइल प्रोग्राम सनें बेलेस्टिक मिसाइल प्रोग्राम लेई मिसाइल च इस्तेमाल होने आली सामग्री मुहैया करोआई। अमरीकी विदेश विभाग दे प्रवक्ता मैथ्यू मिलर होरें दस्सेआ जे एह् संस्था नेही गतिविधिणं ते लैन-देन च लग्गी दियांन जेह्डी सामूहिक तबाही दे थेआरें जां उंदी बंड दे साधने दे प्रसार च भौतिक रूप कन्नै योगदान करदियां हियां। एह्दे च पाकिस्तान आस्सेआ नेही चीजें दा निर्माण, अधिग्रेहण, उनें गी रखने, विकसित करने, भेजने जां इस्तेमाल करना शामिल ऐ।

प्रवक्ता नै आक्खेआ जे अमरीका दुनिया च प्रमाणु अप्रसार बवस्था गी मजबूत बनाने लेई नेही गतिविधिएं दे प्रसार च समर्थन करने आले खरीद तंत्र गी रोकने लेई वचने बद्दे दा ऐ।



Railway

भारती रेलवे नै इस म्हीने दी 14 थमां 16 तरीक दी त्रऊं ध्याड़े दी लौहकी जनेही अबादी च 2 करोड़ 86 लक्ख लम्मी दूरी आले मुसाफरें गी इक थाहरा थमां दूई थाहर पजाया ऐ। भारती रेलवे सोये आले मौसम च मुसाफरें दी भारी भीड़ गी घट्ट करने लेई पैहलल अप्रैल थमां 30 जून तगर 9 ज्हार 111 बाद्धू रेलें दे फेरे लोआरदी ऐ। इस म्हीने दी 15 तरीक तगर इक करोड़ थमां मते लम्मी दूरी आले मुसाफर रेल दी इस सुविधा दा फायदा लेई चुके न।



Weather

मौसम विभाग नै ओडिशा ते पच्छम बंगाल दे किश हिस्से च औंदे संगारें तोड़ी तेज लूह चलने दी शँका जताई ऐ। गर्म हवाएं दी स्थिति ओडिशा, झारखंड ते पच्छम बंगाल दे किश हिस्सें च अगले दऊं-त्रऊं दिनें तगर बनी दी रौहग। मौसम विभाग नै दस्सेआ ऐ जे तेलंगाना, आंध्रप्रदेश दे समुंद्री कंडें आले हिस्से, यानम, रायलसीमा ते तेलंगाना, केरल, माहे, ते हिमालयन खेत्तर च पच्छम बंगाल च मंगलवार तोड़ी गर्म हवा चलगंन ते मौसम खुश्क बने दा रौहग। ओडिशा ते पूर्वी उत्तर प्रदेश च अज्ज रातीं गर्म मौसम रौहग। जम्मू कश्मीर, लद्दाख, गिलगित, बाल्टिस्तान, मुज्जफराबाद, हिमाचल प्रदेश च अगले हफते तगर हौली थमां दरम्याने दर्जे दी बरखा ते बर्फबारी ते गरज-चमक दे कन्नै बरखा बरने दी संभावना जताई गई ऐ।



IPL

आईपीएल क्रिकेट च कल रातीं लखनऊ सुपर जायंटस नै चेन्नई सुपर किंग्स गी 8एं विकटें कन्नै हराई दित्ता। 177 रंजें दे लक्ष्य दा पिच्छा करदे होई लखनऊ सुपर जायंटस नै 19 ओवरें च 2 विकटां मुआइयै 180 रंज बनाई लैते। के.एल.राहुल नै 53 गेंदें च शानदार 82 रंज बनाए। एह्दे शा पैह्ले बल्लेबाजी करदे होई चेन्नई सुपर किंग्स नै तैह् 20 ओवरें च 6 विकटें दे नुकसान पर 176 रंज बनाए। रविन्द्र जडेजा नै 40 गेंदें च सब्बने शा मते 57 रंज बनाए। के.एल.राहुल गी मैच ऑफ द प्लेयर घोषत कीता गेआ। अज्ज दिल्ली च दिल्ली कैपिटल्स दा मकाबला सनराइजर्स हैदराबाद कन्नै होग।

<><><><><><>